



Methicillin-Resistant *Staphylococcus Aureus* Cov mob MRSA

Disease Fact Sheet

MRSA yog dab tsi?

MRSA yog lo lus sau tas nrho tias yog methicillin-resistant *Staphylococcus aureus*. MRSA yog ib hom mob ntawm tus kab mob *Staphylococcus* (staph) uas tau tawm tsam cov tshuaj tua kab mob xws li cov tshuaj methicillin, ampicillin thiab lwm hom penicillins uas kheev muab siv los kho cov mob staph.

Ua li cas neeg thiaj kis tau MRSA?

Neeg kis tau tus mob MRSA tib yam li kis tau tus mob methicillin-sensitive strains ntawm *S. aureus*. Txoj hau kev xub thawj uas neeg kis tau tus mob MRSA yog kov tau (ncaj nraim los yog tsis yog ncaj nraim) ib tus neeg uas muaj ib lub qhov txhab los yog qhov nqaij to uas muaj tus kab mob, muaj mob rau txoj hlab cua, los yog tus neeg uas muaj tus mob MRSA no lawm.

Puas yog hais tias txhua tus neeg uas nphav tau MRSA yuav ua rau mob?

Tsis yog. Tej cov neeg uas nphav tau MRSA kuj yuav muaj cov kab mob, uas txhais tau hais tias muaj tus mob MRSA nyob ntawd tab sis kuj tsis ua rau mob. Kev muaj tus mob MRSA yuav tshwm sim rau ntawm daim tawv nqaij, hauv lub qhov ntswg, hauv cov hnoos qeev, los yog hauv cov zis. Ib txhia neeg uas nphav tau tus mob MRSA yeej tsis muaj cov kab mob li. Qhov muaj tus kab mob MRSA kuj yuav ua rau tus neeg uas lub cev tsis muag zog tiv thaiv kab mob lawm muaj mob. Tiam sis li cas los, cov neeg kis tau tus mob MRSA twb yeej kheev muaj mob hnyav heev los ntawm lwm yam mob ua ntej lawm.

Yuav kho tus mob MRSA li cas?

Cov tshuaj tua kab mob uas yuav kho tau tus mob MRSA Bactrim, vancomycin thiab daptomycin. Yuav tau muab zis muab ntshav mus tshuaj ntsuam kom thiaj paub muab hom tshuaj yuav tua tau tus mob MRSA. Tsuas kho cov neeg muaj tus yam ntxwv mob MRSA xwb; kheev yuav tsis kho cov neeg uas muaj tus kab MRSA.

Tus mob MRSA yuav nyob mus ntev li cas?

Lub sij hawm muaj tus mob mus ntev los ntawm tus kab mob MRSA yog nyob ntawm seb tus mob ntawd mob hnyav npaum li cas, seb cov tshuaj tua kab mob ua hauj lwm zoo li cas, thiab seb tus neeg ntawd kev noj qab nyob zoo tas nrho yog li cas. Tom qab tus mob zoo lawm, tus kab mob MRSA kuj yuav ib sij rov tshwm dua los yog yuav muaj cov kab mob no tas mus li thiab tej zaum kuj yuav ua mob los yog tsis ua mob yav tom ntej.

Yuav ceev faj li cas tom qab kuv mus tsev lawm?

Ntxuav tes yog qhov tseem ceeb tshaj plaws los mus tiv thaiv kom txhob kis tau tus kab mob MRSA. Yuav tsum ntxuav tes txhua zaus tom qab siv tsev dej tag. Siv cov xab npum hauv tsev los ntxuav tes tsawg kawg kom ntev mus li 20 fiab.

Yog hais tias yuav tsum kho tus mob mus ntxiv hauv tsev, koj thiab tsis hais leej twg uas tu koj yuav tsum rau hlab looj tes thaum kov lub cev tej kua dej (zis, tej kua faj siv tawm ntawm lub qhov txhab los, thiab lawm yam) los yog thaum tu los yog kov cov thaj chaw uas ntub tej kua muaj kab mob ntawm lub cev.

Muab cov ntaub siv tas pov tseg uas ntub cov kua dej hauv lub cev (ntaub qhwhv qhov txhab, ntaub qhwhv pob tw (diapers), cov hlab looj tes uas muab siv lawm, thiab lwm yam) pov tseg rau hauv lub thoob pov khoom seem. Siv xab npum thiab dej ntxuav tej chaw uas paug MRSA kom zoo thiab muab tshuaj tu vaj tsev xws li tshuaj ntxhua khaub ncaws dawb (bleach) los tu ntxiv. Siv xab npum ntxhua khaub ncaws raws li lub tuam txhab tsim yam khoom cov lus qhia. Tais diav thiab tej twj taig ua noj ces muab ntxuav tau li qhov qub ib txwm ua.